



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Tit. XXI. De Ivre Patronatvs.

urn:nbn:de:hbz:466:1-10553

Ne cum mendacibus, qui ad quæstum omni simulandi arte vtuntur, aliquam turpis lucri pactioem pro ijs recipiendis, ineat.

Curet item, nè quid peregrini, aduenæ, pauperesq; hospitio excepti, contra christianam pietatem, bonosq; mores admittant.

Quinimo certam horam, tum mane, tum vesperi, præscribat, qua, ijs parua campana datis, omnes simul aliquantisper orent.

Doctrinae christianæ institutionem introducat, qua præsnito aliquo temporis spatio erudiantur.

Si enim ijs ad corporis victum, curamq; benignè suppeditatur; illud etiam maximè curandum est, vt spirituale doctrinae christianæ pabulum eisdem tribuatur.

Ne pueros vnà cum adolescentioribus, maioribusq; natu, in eodem lecto cubare permittat.

Neque item eos, qui integra valetudine sunt, cum ægrotis aliquo morbo laborantibus.

Qui autem integra sunt valetudine, ne diutius triduo in hospitio morentur; nisi aliter ex ipsius hospitalis instituto permittatur.

At cum eosdem paucis post diebus redire animaduertit, inuestiget diligenter, quousq; iter fecerint; ac sedulo videat nè ijs modò ad hoc, modò ad illud hospitale domicilium diuertentes, se peregrinos fingant; de vrbe, oppidove tamen verè non exeant, turpi quæstui, atque etiam aleis multisq; alijs flagitijs operam dantes; quod aliquando euenire compertum est.

In hospitalibus, quæ vnionis, vt vocant, iure, alij domui hospitali adiunctæ sunt; vbi longo temporis spatio hospitalitas intermissa est, quamprimum restituatur, vt iuris est.

Qualem confratribus sacerdotem Episcopus deligat. Cap. L.

Vnicuique confratriæ Episcopus sacerdotem constitui studeat, ritæ spiritualis vsu peritum, beneq; in sanctis exercitationibus versatum; qui salutaribus consilijs, monitis, documentis, alijsq; officijs confratres in omnem agendi partem, tanquam pater, & Dux spiritualis conformet.

DE IURE PATRONATUS.

Tit. XXI.

Comprobatio, Episcopi aliàs requisita, etiam si pro Iure patronatus aliquod Ius regularibus spectet, qualiter sit necessaria.

Cap. I.



QUOD Tridentinis decretis de eo, qui præsentatus est, per Episcopum comprobando, etiam si ad inferiores institutio pertinet, constitutum est; id in beneficijs item, vel simplicibus, vel curatis, vel alijs cuiuscumque generis, in quibus etiam, electionis, præsentationis, institutionisve ius, monachis, alijs cuiuscum-

Concil.
Trid. s. 14.
c. 13.
& s. 24
c. 18. de
re for. c. il
lud & c.
Relatū.
ex. de iu
re patr.

que

que ordinis regularibus, ceterisve competit locum habere, Episcopus meminerit. Quare si qua hactenus institutio, sine Episcopali comprobatione facta comperitur; eam irritam, inanem ac planè nullam declaret. Ac nè in posterum ita fiat, caueat quàm diligentissimè.

Qualiter ad beneficium Iurispatronatus, non nisi idoneos Episcopus admittat. Cap. II.

PRO auctoritate, canonum iure, & à Concilio Tridentino sibi tradita, Episcopus, si idoneos non compererit, à patronis etiam quibuscunque presentatos, ne probet, admittatve; neve instituat; nec verò eis vlllo quouis nomine provideat; sed planè illos repellat. Idoneos porrò ne censcat, quos experimento examinibus interrogationibus diligèter factis, & doctrina, & cantus peritia, & alijs qualitatibus, ad rectè, riteq; obeunda munera, ei beneficio, ad quod presentantur, incumbentiã, coniunctave necessarijs, prãditos esse non viderit. Neque illos item, quos pro illius beneficij ratione, legitima etate, sacrorum Canonum iure, Concilioq; Tridentino prãscripta, esse, ex legitimo documento, testificationeve non cognoverit.

d. Sess. 24.
c. 16. ver.
quòd si
iurispatro-
natus.

Decreta pœnalia contra quoscunque, etiam patronos, bona ecclesiastica detinentes, qualiter promulganda. Cap. III.

VNiueritates, lociue homines, etiam qui iurispatronatus habent; qui bona, censum, iuraue beneficij Ecclesiastici, aut loci p̄ij, quocunque prãtextu detinuerint, anathema, & alias pœnas subeant decreto Tridentino constitutas; non obstante quocunque antiquo vsu, possessioneve. Hoc verò decretum cum illo vulgariter redditum populo edici, atque promulgari saepe iubemus, quòd diligentius tale crimen caueatur.

Sess. 22.
c. de re-
for. c. 11.

In beneficijs etiam parochialibus, iurispatronatus ecclesiasticorum simul & laicorum, quid per Episcopum sit agendum.

Cap. IIII.

IN beneficijs, etiam Parochialibus iuris patronatus laicorum simul, Ecclesiasticorumq; hominum, illud Episcopus seruet, atque exequatur, quod de beneficijs, quæ iuris patronatus Ecclesiastici sunt, Concilij Tridentini decretis cautum est. Id ipsum quoque præstet etiam si ex vna parte ad Ecclesiam, & verò ex duabus ad laicum hominem electio spectet.

Qualiter causæ cognitio beneficiorum Iurispatronatus, & si ad alios institutio spectet, ad Episcopum pertineat. Cap. V.

EPiscopus quoque beneficiorum, quorum institutionis ius, collationisve ad quoscunque exemptos, aliosve Episcopo inferiores pertinent; iurispatronatus, lites, causas, & controuersias omnes, quæcunque sint, cognoscat, &

definiat: Clericum autem presentatum, qui instituendus erit, ad inferiores institutionis tantum causa remittat; nisi idem inferiores iurisdictionem ordinariam haberent, cuius vigore de controuersis super iure patronatus alioqui cognoscere possent.

DE CENSIBVS PROCVRATIONIBVS, & exactioibus. Tit. XXII.

Visitatores quæ tantum habeant; diligenterque, & celerrimè visitent. Cap. I.

Sess. 24.
c. 3. de re
for. c. Cū
Aposto-
lus. i. pr.
cod. tit.
In visita-
tione fo-
la anima
rū lucra
perqui-
runtur.
Concil.
Valē. sub
Bene. 3.
c. 17. To.
5. Nec a-
liquis ni-
miate,
& impo-
tuntate
grauari
debet vt
illie dici-
tur



CAVEANT visitantes ne legem de victu, procuratione, & muneribus à Sac. Tridentino Concilio definitam transeant. Comitatum autem non habeant, nisi necessarium: si plures dixerint, alant suis sumptibus: mensa sit frugalis, & modesta. Dent autem operam, vt non solum quam diligentissimè, sed etiam celerrimè visitationem conficiant.

Subsidium charitativum qualiter ab Episcopo exigatur. Cap. II.

EPiscopus, qui causis iure permissis, subsidium charitativum exacturus est, antequam illud sibi persolvi curet, Clerum, eiusve procuratores, aut negotiorum gestores conuocet, eisq; eam causam exponat, quam obrem illud petere, atq; exigere cogatur; tum humaniter eosdem cohortetur, vt sibi spontè subueniant. Ne verò maiorem summam sibi solui curet; aut patiat, quam Benedicti XII. constitutione, cuius initium est, Vas electionis, prescriptum est, idque, nisi consuetudinis ratione, aliud obseratur.

Quos coadiutores in visitatione Episcopus sibi adhibeat. Cap. III.

Cum visitationis munus Episcopus per se obierit, vel vnum, vel duos Canonicos, vel alios quoscunque homines Ecclesiasticos, quos vsui, & adimento sibi fore viderit, prout maluerit secum in ea visitandi cura adhibeat.

Quos in visitatione Episcopus, & inferiores secum habeant.

Cap. IIII.

NE deinceps plures, quam in primo Concilio prouinciali à Pio Quinto confirmato statutum est, Episcopus secum in visitando conducat, suis tamen proprijs sumptibus licebit ei plures conducere. At verò qui Episcopo, gradum inferiores sunt, in visitatione longè pauciores, & homines, & iumenta adhibeant.

Qualiter laicorum conuiuia Episcopus respuat, aut moderetur. Cap. V.

Laicorum conuiuia, vt maximè potest, fugiat; sin autem ad illos diuertere voluerit, cum cætera seruet, tum in primis caueat, vt ne extra

mense